

La tutele dal furlan e à di frontâ ancje une vore di oposizions par continuâ a sorevivi. Tes aulis de Universitât dal Friûl si studiin i miôr sistemis par che la marilenghe e tegni il pas cui timps.

» DI VALENTINA VIVIANI

La cuistion de lenghe furlane no si decît dome tes stanziis de politiche, ancje se di chês stessis stanziis a dipendin lis consequencis plui impuarantis. La cuistion de lenghe furlane si decît, di par di, tes cjasis dulà che si fevele la marilenghe, par strade, tai uficis, tes scuclis, tes associazions e tes aulis de Universitât. De atualitât e des prospetivis de lenghe furlane o vin fevelât cun **Alessandra Burelli**, ricercjadore dal Dipartiment di Lenghis dal ateneu furlan, che e à ben presint lis dificol-tâts di tutelâ la marilenghe.

Ce rispundie a cui che no si identifichjate te lenghe standardizade?

“La lenghe e je une robe vive, in evoluzion svelte. No je vere che codificâ regulis gra-



La teorie de evoluzion

maticâls, sintassi e vocabui al impresoni une lenghe e al limiti la sô variabilitât. Anzît, lenghe scrite e orâl a evolvin su sinis paralelis, ma si influencin une cun chê altre”.

Al è ancje cui che nol digjeris neologjisms de lenghe furlane.

“O evitarès sieraduris a

“

1100mil euros stanziâts ogni an a ravin a sostignî juste un tierç dai progjets

priori. Cemût fasaressino a descrivi la realtât di vuê se no introdusessin tiermins che nus e contin? La stesse Societât scientifiche e tecnologjiche furlane si è ponude il probleme de terminologjie scientifiche par furlan. Chês altris esperiencis, par esempi in Catalogne, a àn confermât che al è pussibil rivâ a vè un dizionari tecnic e scientific ancje tes lenghis mancual pandudis”.

La ricercje universitaria varesse di jessi indreçade ancje su cheste direzion?

“Al podarès jessi sigûr un dai cjamps di esplorâ”.

A proposit di ricercje, quale ise la situazion dal furlan te universitât?

“Il probleme, come che al sucêt dispès, a son lis risorsis. I 100mil euros stanziâts ogni an a ravin a sostignî juste un tierç dai progjets che a podarès jessi realizâts. Ancje se la situazion e je dificile, l’aspjet positîf al è il dinamism che al è leât a chescj studis”.

✉

iffriuli@iffriuli.it